



謹齋詩稿

淮海 許志進

丙申年上

送某總戎西征兼贈張君季琬二首

玉關此日正徵兵上將長驅自請纓介馬馳傳烽火信

宵衣佇聽鼓鞞聲潮翻島嶼搜鼉窟雪滿天山拔鹵營

甲子克彭湖丙子征噶爾丹君累有功績

髀肉雖生身未老好圖方略上金城

據鞍矍鑠馬文淵六十猶為報 主年刁斗森嚴籌壁

壘陣圖談笑畫山川火攻定奏師中績農戰須屯塞上

田年少有人從定遠短衣匹馬向燕然

君上戰圖專主火攻鄙意謂西戎出沒無



常戰守皆難得志惟屯田一策可以持久時無言及此者

戲題王生畫三首

黃犢烏犍漫作圖戴嵩家法定何如漢書且莫拴牛角

近日何人解讀書

牛

白鹿深山自養茸人間角逐漫爭雄憑君畫取隍中物

難與癡人說夢中

鹿

明珠顆顆醞天漿滋味聊須付渴羌盡吐胸中三斗墨

諸君曾否換西涼

葡萄

即席戲詠纖指為二客一笑

二首

碧椀紅酥帶笑拈森森銀甲護春尖酒人背癢搔難得

心醉麻姑玉指纖

一曲春風坐夜深伊人情竭為知音飲酣不要纏頭錦
消得春葱義甲金

立春日留定力飲醉作四首

太皞行春雨雪雩陽和消息誤勾芒後堂絲竹張燈夜
且合從君到醉鄉

征西方略醉中聞烽火連天拂戰雲肉食幾堪籌遠略
安排書劔徑從軍

大漠風雲入壯懷漢兵且未罷輪臺封侯事業知多少
盡是人間衛霍才

乍可揶揄從說鬼不須酩酊強憂天明燈浩唱謹呼夜
白髮黃雞兩可憐

食沙浦醉蟹即席戲拈示客二首

難致熊魚饜老饕雙裙四掌興空豪無腸賴有佳公子
醉骨微生略帶糟

橫行三窟無多技入甕埋沙各一時醉疏蟲魚箋爾雅
錯將風味認蟛蜞

喜窳亭至酒次話舊因訂近詩

上巳同傳被禊觴七年重喜集新堂頭鬢既白仍還黑
年力初衰且自強更事變遷驚噩夢多情潦倒憶柔鄉

篋中獨有詩千首為我停杯細品量

酒次贈荻劬文學因懷施先輩愚山梅院長桐厓
及淵公定九耦長諸君子

謝眺青山興不羣一生常對敬亭雲吟詩近托枚臯里
把酒遙澆李白墳春色自來還作客才人空老漫工文
宣城耆舊兼存歿欲效延之詠

楊孝廉以詩饋箋率酬二首

兩束華箋勝益州清詩兼擬木桃投鳳樓草舍難相較
虛辱人間好時候

名箋合寫衍波詞老鈍難工屬和詩七字愛吟楊汝士

笑他元白却同時

弔鐵夫二首

鐵夫主慈雲方丈大闡宗風忽於六月某日徧辭檀信說偈揮塵而逝

帝城龍象法堂開黃岳松雲竟不來末法三千僧似海

飄飄彼岸一人回

癸巳別詩云寄語山門松北向回頭應待老僧來

豎拂宣揚撒手時此心堪證貫休師他年為訪三生石

記取西山五字詩

師游西山詩一卷可傳

贈雪瓢二首

紛綸末法絕無僧妙悟誰探最上乘爛醉逃禪差較可

同龕彌勒似渠能

狂吟縱飲日醅醕不是詩瓢是酒瓢何日掃除詩酒債

空山定處雪埋腰

夜光樓觀燈分韻

蠟炬森森火樹圍夜光樓迴映清輝珠蟻弄彩宵為晝

星斗生芒月曬衣吹火不須煩太乙藏書疑是守靈威

詩成客醉笙歌裏聽徹明鐘未擬歸

題杜少陵墨蹟後四首

少陵賀城陽王太夫人加封鄧國太夫人詩卷後有山谷跋尾為宣城蔣氏珍

藏物

白也爭傳瀑布詩少陵墨蹟又稱奇加封歲月留詩史

好為唐書補闕遺

卷中題廣德元年冬十月正史本集皆無之太白廬山瀑布詩卷為吳僧石濤藏玩

麗句千年墨色新毫端誰辨少陵真辨香合下涪翁拜

俎豆江西派裏人

渾脫公孫事久虛張顛草聖復何如異時不有坡仙句

誰信楊風本善書

楊風事見東坡本集

異林作偽劇堪憎海內何曾識少陵一帖元之書待漏

幾人真賞趙吳興

時兼以趙子昂所書待漏院記見示故云

與窳亭醒菴集嘯山師中堂限韻

窳亭以病止酒

為愛清音和管絃歌喉玉潤復珠圓即看瀟灑人如璧

那惜淋漓酒似泉名士風流須破戒孝廉豪興率成篇

上牀留客惜騰醉笑我方求許汜田

時與嘯山議田故戲及之

贈劉觀察

廷璣

張浚在諫院能糾李伯紀同時客閩中安居睦鄰里高

風炳史冊異代稱雙美君子平國政持論有公是事過

不疵瑕如彼魚與水陋哉宵小羣同異互朋比黨部魁

南北猜忌判牛李釀為水火讐身與名俱毀我昔廁左

掖顛直數投匭區區薑芥性勲業幾番紙 聖明鑒愚

昧夙夜羞諾唯封章有彈射譬猶弦激矢事成投鼠忌

玉石同一燬君時秉憲臬累作子文已黨論勃焉興怨

讜疇能弭我為唐介謫彼有深源起巢枝寄烏鵲道樹

棄苦李纖兒逞報復魚肉供刀几君受司空檄奉職趨

河湫觀察起淮徐包荒忘痼痂十載未識面高山但仰

企殷勤屢存問錄過忘雍齒廟堂須偉器謂且致端委
止足慕高風勇退保終始東山戀絲竹北海耽樽匝人
生貴行樂何物是朱紫為君矢此詩非諛亦非訾庶幾
君子交可以載青史

跋杜趙兩卷畢再東荻劬

墨蹟吳興迴出羣長洲風骨擅停雲

趙子昂書待漏院記用
大令筆法居多文待詔

行草書
所出也

遺編最愛浣花筆舊譜重稽大曆墳廣德標年堪

正史元豐題跋更論文何時再過同吟賞已辦青蚨聘
魏君

訓致政劉觀察

南郭秉憲著丰稜持節淮天似飲冰水避驄威遵故道
官如蠟味羨閒僧樓開天許懷居易詩滿人間慕少陵
此日遺榮身未老任教榆鷓羨雲鵬

雪中八詠

京華集中舊
作追錄於此

雪中清事足第一是儒家竹外沈幽響梅邊着凍花清
吟辨鹽絮白戰鬪尖叉陶穀饒高興衝寒試煮茶

右儒
家

寒光凝戚里池館映神仙捲幕迴歌妓驚風拂綺筵醉
眠忘問夜寶馬倦朝天笑獻皇人瑞瓊樓玉宇前

右侯
家

山中飛雪早積素繪峰椒蜒徑穿雲曲僧樓隔嶺遙長
空迷去鳥絕壑見歸樵一幅營丘畫春風吹不消

右山
家

三農勤望歲，襍報年豐雞。柵寒相逼牛，宮煖欲融潑。
醅呼卯酒，瑾戶勸村翁。婦子歡相語，春膏易發蒙。右農家

枯柳昏鴉集，殘蘆凍鴨栖。一簑江上濕，老屋雪中低。挂
網歸舟重，收輪水國迷。惟應子猷棹，乘興過前溪。右漁家

風霰颺，青帘寒多酒價添。詩思驢背捷，梅信嶺頭淹。
手冷當壚女，冰懸矮屋簷。寒村圖禹玉，皴秃兔毫尖。右酒家

向見夏禹玉寒村雪棧圖最工妙

上方鐘磬曉，臺殿白皚皚。世界同銀色，天花墜地來。定
回心喻水，風掃劫餘灰。一榻茶烟外，虛空不染埃。右僧家

夢醒重衾煖，爐紅宿酒殘。舞衫偏愛薄，歌扇不知寒。留

得王孫馬重追，後夜歡莫須。談部屋掩口，笑寒酸。右妓家

韓孝廉七十

淮海王孫今七十，猿臂彎弧猶兩石。北平老去不封侯，
高密少年曾杖策。堅昆烽火照燉煌，請纓尚可縻戎羌。
若比龍韜師尚父，猶輸筋力十年強。

又訓荻劬

幾對清儀賦樂羣，翩翩才筆欲凌雲。奇書似探中郎秘，
高論疑鄰輔嗣墳。定有懸金求駿足，且須載酒論雄文。
吟詩莫漫嗟衰白，懷寶終期一獻君。

天馬

冀北羣空上苑開黃金堆疊滿燕臺貳師略地流沙遠
天馬應從萬里來

贈汪君二首

看人仍白眼憤俗每危言京洛三年別乾坤一醉論蛟
龍自雲雨 俎 雞豚窮達皆天命依依望九閭
閱盡簪纓客無人與正詞斗筭何足算妖 有先知人
事誰能料天心復未遲 帝京春色麗把臂訂前期

三訓荻劬

蔣詡清才故不羣每聆高論似披雲印紋獨證韓侯字

君得漢銅印韓信字公圭豈古人名字相同抑古字信申通
讀耶又余論汲塚書為贗托君前後引據辨析蝌蚪文最詳

古篆誰探汲

縣墳一代風騷傳大雅千秋金石考遺文晚交拇數多
名彥此事淵通合讓君

荻劬又和拙詩復用前韻作答

網羅該博邈難羣古篆何人辨烏雲腹笥定應開七錄
書廚仍許倒三墳銷磨孔壁經中字荒怪神龜背上文
不用問奇巴蜀遠徑須載酒日從君

渠居士既歿明年二月孤子仲江挈舟見過愴
然感懷仍用杭州詩韻相贈二首

練冠經帶銜哀日飲水羹蔬毀瘠餘宿草初生還灑淚
堂封未卜肯寧居麥舟待助誰相恤葛帔衝寒望豈虛

惆悵三台山畔路杏花寒食迴愁予

舊笑文魔窮有崇重逢老健靜無譁

少渠病魔十年自謂青藤先生為崇甲午來淮已全

愈矣逾年而歿

一樽盡醉淮南酒幾度同看麴院花家學能傳孤

子在遺文留與藝林誇青藤只隔錢江水吟嘯相望越

嶺霞

送張江川之任二首

一官仍萬里荒徼不辭貧井鬼梁州域江山麼些春刀

耕安石罇瘴雨淨湖濬遙倚南雲望鄉關海氣瀟

開國思莊躑祠神望碧雞不嫌邊邑小轉喜萬峰迷木

葉占農事山精驗馬蹄政成無近遠吾道濟黔黎

李生文中病歿寄言永別春夜見夢曉起愴然賦

此生為壬午閩聞所得士

士擅無雙譽文矜百鍊工登賢埒元凱報國矢公忠見

我初惟怯濡毫驟發蒙

楊發後或言生富家子疑其倩代面試一題揮毫立就

掄才法常

袞得雋慕歐公清潤人如玉蜚鳴志比鴻耽吟傷李賀

無命惜終童旅殞魂其餒衰年痛若翁寄聲知永訣慟

哭憫人窮慧業宜天上春宵忽夢中顛狂豈厲鬼

夢中似言狂疾

瀟灑自文雄名與山公啓

文中將需次東曹

頤猶穀也豐話言訓

恍惚形影辨鴻濛底事渾難解相看意未融烏啼驚睡

醒曉日隔花紅

近齋明府饋洋瓜奉荅二首

海國陽春蚤甘瓜二月新摘來從貢舫頒到首儒紳冷

脆浮冰井恩波憶紫宸向叨侍從時得分賜蘇瓊梁上物容我得

分珍

碧玉黃臺實青門五色華空聞李泌詠不種邵平家職

貢通滄海清和沁齒牙拜承梁縣賜覓句報投瓜

荅友人問海棠消息

淺晴微雨養花天二月寒多未褪綿嫩蕊初生防雀啄

嬌紅乍吐得人憐不愁吟賞添詩料已辦招邀覓酒錢

題句深煩問消息故應同作海棠顛

題漂母祠補錄

王孫豈餓死一飯意何如古屋依飛鳥清淮徙怒魚能

先蕭相識如授圮橋書此際渾難忘去君恩報豈疎圮橋

不當連用承太白懷古而用之

夜光樓梅花盛開招集分體得七言古分韻得偶

集二字二首

東風盡意催花柳樓頭春色濃於酒紅紅白白幾株梅

索笑巡簷逢故友主人有酒苦留客預遣關門防客走

豔曲笙簫韻在天香魂玉雪春盈蔀蓮漏滴乾銀蠟淚

瓊卮推濕紅酥手不飲渾疑花笑人欲歸已是叅橫斗

人生及時貴行樂宇宙定誰堪不朽有花有酒漫言愁
揮觴請急澆其口君不見地下劉伶柳生肘看花不醉
誰相杻古人秉燭爲夜遊四美並合良非偶

梅花照眼衣香襲一甕霞漿恣意吸諸君但醉莫言歸
二十四番風正急君不見九十春光過六十落花狼籍
已堪拾百尺樓高醉臥人酒泉但任銀瓶汲歌兒莫作
迴風舞夜深恐惹花魂泣河北園林梅更多千花萬花
香習習東郊柳浦一千樹亂寫青空橫原隰芒鞋布襪
趁晴暖五伍相攜還十什人生樂事防天忌不是風餐
愁雨澀今夜封姨空作顛明日酒人邀早集

效玉臺體十首戲和友人

密意渾難近依佈一笑緣東鄰窺宋玉着摸已三年
躡影得驚猜迴眸笑口開不須防合德赤鳳爲誰來
顧盼自周防含羞妒眼旁怕成相捉搦不肯向蘭房
睡去應多夢朝來見轉羞背人佯笑語移鏡照梳頭
漫道膚凝雪心知豔比花蘭湯春試煖香在石蓮華
夜久遲遲睡春寒坐漸添就燈成葉戲時得按春尖
促坐暗心驚流波與目成盈盈不得語教妾若爲情
久坐耽歌舞遲歸怕睡眠鴛衾將繡幌獨夜更誰憐
薄醉春生臉含嬌嬾卸妝忽然聞好語隔燭笑呼郎

春去留無計依依 奈何宓妃有遺枕 鄴澤襲人多

上巳前二日讌集和韻

楚天春色逼人來 消得嘲風弄月才十番 去管絃花外
合兩行羅綺 燭邊迴放懷酒色 英雄事稱意功名鬢髮
催元子老兵俱不惡 未妨酩酊莫輕回

西戎犯順大軍會 勦意謂駐兵絕塞轉餉維艱不
如仿古人屯田之法 頃王司空建言及此漫有

此作

軍屯農戰駐連營 未笑空談紙上兵 聞建金城舊方略
世無克國故難行

再報海棠消息

幾日陰寒微雨透 二分消息曉鶯傳 已過上巳虛修禊
乍好清明逼禁烟 卓女奔來中酒後 楊妃睡醒靚妝前
收藏金屋徒虛語 只在詩函酒盞邊

雨中新柳二首

試帖體

細雨和煙濕春郊 柳色新微波豈掩泣 淺黛似含顰汁
染金衣嫩綿搓翠線勻 清姿憶張緒濯濯好腰身
浣濯費春工眠多意態慵 新黃濕雲冷嫩綠野烟籠別
緒初縈淚啼妝學舞風柔條千萬縷 婀娜入空濛

陪近齋明府文會齋賞梅用晚耘韻二首

高軒特爲玉梅來花縣能饒作賦才止飲不妨成茗醉
行春仍訂看花迴

明府是夕有白沙之行
相訂便道看柳浦梅花

東修應以槃餐減文

譙真嫌吏役催詩酒肯乘清暇興芳樽還傷海棠開

梅花邀我也能來鐵石腸非嫵媚才香國不吟真浪到
玉人留醉忍空迴孤標自索元亭笑冷韻翻嫌暖律催
桃柳爭妍三月半未妨却殿衆芳開

若愚薦笏兩姪覲省入都停舟過訪得知畱農內

擢銓部酒次步若愚韻送別因寄懷五首

原鴿渺天末此日喜鶯遷覲省看聯璧睽離憶七年壯
懷應未老清宦不言錢北道煙花麗春雲意惘然

峽束岷江合峰攢蜀棧橫孤城薄宦處絕塞少人行急
詔鋒車入斑衣萊子迎河橋官柳綠一路聽啼鶯

年少從爲客情親似到家風雲懷帝里荒寂話官衙
淬礪青萍劍騰驤白鼻駒淹留有癡叔仕隱計全差

最憶淮南別湖山空弊廬毀家論浩劫懸磬笑離居猿
鶴雙峰約鱗鴻萬里書青雲兩小阮失喜攬衣祛

惠政留巴楚廉聲入漢宮三銓明吏課六計領清風鄉
思南飛燕春天北嚮鴻賦詩同一笑薄技舊雕蟲

依綠園分韻

最愛名園景色幽三年重及暮春遊江梅落蕊烟光老

水柳飛綿節物秋

唐人句節過清明總是秋

疎雨閣雲留醉客平湖籠

月待歸舟舊游俯仰皆陳迹風笛何人韻未休

送客四首

離懷不可道底事重相嗟老索長安米春辭游子家吠

聲多獒犬繞樹失栖鴉落落金臺客重來鬢已華

風塵嫌道遠朋好問行遲春色 皇都麗狂歌易水悲

飛雲戀丘壑逸翮謝樊籬綠徧王孫草悠悠繫我思

廿年憂患意熊膽記曾嘗銘背緘金口放鋒拂劍霜違

家元節路弔古望諸鄉詞賦當誰薦同時自武皇

疾惡弦同直攻邪桂比辛市言成畏虎水弩暗妨人黨

邵寧魁漢先生且入秦不須揮別淚策足向通津

趙松雪畫馬二首

何梅莊大參所藏

長林散牧草茸茸伯樂終知不易逢曾是驂騮天仗外

渥洼何處認真龍

右步松雪元韻

萬里瑤池駕馭雄嘶鳴顧影立西風絡頭芻秣愁空老

蹴踏平沙畫稿中

右步任士林元韻

訪樸菴太守

尊酒論文日騷壇舊主盟官仍五馬貴囊自十年清一

水章江別扁舟剡曲情新詩知滿篋好與示鍾磔

河干旅夜懷鶴鄉諸子因柬樸菴太守

瀕河成旅宿弦月半檐明几榻過帆影風濤作雨聲幾年羈客路獨夜故人情坐詠寒香句深宵夢也清

感興東友二首

鄉曲寧違俗同心實寡儔但教行我法未敢溷時流伎倆忘山鬼冠裳詫沐猴側聞君子論齒舌異剛柔聞過差堪喜知人故所難閉門殊未早損友得相干河濟穿渾濁筠松別歲寒悠悠面交者誰與論腸肝

劉喬南中丞上西事劄子得旨赴軍前經理感興

二首

萬里馳書諫用兵廟謀乾斷幾人明迂踈漫說干英

主垂老鋒車絕塞行

疏中有進說於英上與進說於庸主不同臣願中內治而輕遠略及在廷無人諫阻之語

軍屯遠闢金城外玉斧遙揮大渡西安得張騫傳介子真將馬革換雞栖

南樓對月示岑

天鏡挂簾鈎凝輝爛不收團鬪當首夏皎潔豈中秋蟾兔青冥小山河灝氣浮丹心將白髮幽興寄南樓

附錄和詩

一年能幾度永夜此孤圓清露無聲下疎星幾箇懸樓臺明似水花樹靜含煙瀾茗焚香坐三更人不眠海棠為風雨所敗

盛名高位古難持
占斷韶華自一時
昨夜海棠今日敗
可憐風雨葬西施

庭花四詠示岑

繡毬

一樹瓊瓏砌玉英
團圓真合以毬名
臨風借問司花女
幾許春工繡得成

櫻桃

綠雲婀娜墮玉欹
危着子累累欲滿枝
最憶與霑門下省
上闌纔是鳥銜時

蕙

翠葉全抽瑞露灑
丰標錯認杜蘭香
戲呼小字紅閨裏
幾夜香侵夢蝶牀

千葉桃

千葉緋桃小院春
凝妝如對息夫人
等閒乞與瑤池種
花實千年事又新

附錄和詩

玉作精神雪作姿
冰毬團結翠雲垂
瓊瓏最是東君
巧畫出徐熙漬粉枝

果實先成冠衆芳
瓊英火齊醞天漿
芙蓉闕下千官
會除却王維不得嘗

紫莖綠葉擅餘春並蒂芳菲入夏新莫比飛瓊呼小
字鴛鴦機爲惱姓蘇人

千花簇簇絳桃枝玉洞晴霞二月時此日西池纔結
實只應方朔是偷兒

玉
以定磁仙人壺酌長春酒作一詩見餉戲答
洞府還丹事有無九霞春釀不須沽前身定葬陶家側
八百年來舊酒徒

附錄

滿貯流霞浥老仙共君脫帽兩陶然中山元石休相
訝小住人間八百年

賦得萬井鶯花雨後春

用試帖體

城闕初過雨鶯花處處新恰看晴霽後正是討春辰
羽騫公子濺裙鬪麗人柳含煙漠漠日曬瓦鱗鱗錦繡
千門合笙歌萬樹勻尋芳攜酒去遊賞淨無塵

樂園山人挽詞八首

蟠胸五岳氣崢嶸筆染煙嵐萬象供六十餘年成底事
湖山歸夢已成空

劉伶醉死嗔無酒趙壹囊慳恨少錢容膝居中支枕客
真成風露蛻寒蟬

富貴浮雲春夢婆一生潦倒患才多樓君脣舌淳于笑

浪跡乾坤此剎那

幾欲名山畢此生軒轅神鼎永難成漏卮儘挹西江水
濡沫能教涸轍盈

秀才小傳傷貧士婺婦雙貞紀淡歸

金道隱先生晚年皈僧號淡歸和尚曾作馮秀才及

雙貞兩傳秀才名溪山人之父也

何日一杯湖上土首丘泉路慰瞻依

飄泊常云戴髮僧少陵家累劇堪憎人間幾箇孫征虜
異日空悲劉景升

黔婁貧薄虎頭癡屬續依然立壁時猶有中郎舊圖籍
都教付與蔡文姬

戶牖居然老不封三年夢繞蕙蘭叢南山卮酒他年約

轉笑知人愧此翁

震一學使過訪停舟話舊即送入京四首

黃閣追陪 帝闕東藍田臨賀雪兼風十年楚水吳山
夢記在蘭亭襖帖中

悻直青蒲戒履危姓名免署 人魁鼎鑄折足看平等
未問芻求用草萊

節使衡文楚澤遙羈魂空用楚詞招

謂思菴太僕

江東幼子能

無恙通德伶佻久寂寥

梁宋才從玉尺量誰教負土向宣房司空城旦非為累
只怪囊空陸賈裝

題文衡山畫

松風澗水自清音把臂何人共入林投老名山渾未得
十年辜負向禽心

與滋菴中舍酒次論心感事懷人率成四首

待詔同趨尺五天金蘭投分各忘年賢良豈與天人策
經濟聊施沮溺田與世馬牛風不及同塵詩酒債相纏
樽前拊髀皆頭白欲贈新篇意惘然

小謝詩才大令書人間筆墨任紛拏名高海舶題蠻貨
米貴京華易白居範我馳驅真老去依人牆壁竟何如
飢鳶腐鼠能相嚇醉誦莊周北海魚

百歲萱幃白髮男

時太夫人年九十六先生亦七十有五矣

家庭瑞事入雄談烹雞

舊偵茅容孝負米能慈季路甘東國人倫名不忝南陔

色養老尤貪登堂拜母期他日重繼昭陽壽紀三

昭陽李映碧先

生作三壽記最奇

一水相望未阻長十年幾度共持觴夢縈白也神惆悵

根菴

路隔成連意渺茫

乾夫

潦倒詎云貧是病風流不礙醒

而狂言詩獨有陳驚座

求夏

旗鼓非君不可當

錢塘沈文學見示彭城春游詩有懷舊侶用元韻

雲龍秋霽碧雲輕最憶芒鞋策杖行劉項聲靈看未歇
山河表裏記猶明新詩見說春游好舊侶長懷白髮生

戲馬臺荒林壑杳黃流森森綠蕪平

沈文學謬稱西湖拙作追憶舊遊因用元韻贈答
兩半煙景逐時新桂棹頻移問水濱花柳逢春徵酒債
江山如畫憶詩人雲巖著我堪娛老風雅如君豈患貧
莫以淹留煩永歎天池雷雨起湮淪

和送春詩韻

春光容易向闌殘日日陰霾日日寒
悵悵鶯花同委棄挽回氣運故艱難
清和且剩東君閨長養須從夏令看
最是夕陽芳草外柳絲風孃絮成團

附錄

名花婀娜未凋殘春暮陰凝二月寒
有閨詎嫌晴霽少多愁始信別離難
青梅如豆偏宜雨水柳飛綿最
怕看笑爾玳梁雙海燕營成新壘又團團

庭中朱櫻爛熟採啜適口情溢乎詩作十六韻

手植朱櫻爛當軒映曲籬弄春花簇簇得地子纍纍
雨浥瓊漿滿陽晞火齊垂攀條那可數抱甕日相滋望熟
從兒索偷銜任鳥窺薦羞虔祖廟消渴潤詩脾採摘連
枝葉分甘逮賤卑筠籠誇杜甫紫禁詠王維衆果輸先
食嘗新獨應期秩宗嚴具禮樂府播清詞紅豆搖風晚
金丹鍊液遲微酸初沁齒正味似含飴珍木禽蟲妬丹

心桃李嗤野夫寧自獻炎帝最先知
穎穎三霄露年年四月時
嵇含空著錄江海漫離披

滋菴枉和拙作稱譽過多再柬四首

停杯白眼對高天
華首相看又此年
竿餌生涯滄海釣
笑談勲業汶陽田
芳名獨擅龍頭譽
世事誰爲鶴背纏
促坐論心同擊節
花間不飲亦陶然

鹽邑有虞芮之爭滋菴主之故有四句

北闕無心更上書
楸枰世局任紛拏
豫且網數看魚服
阿閣巢虛想鳳居
大厦枝撐郭有道
上林才藻馬相如
何當激起天池水
終見人間鼓怒魚

紅閨少婦珮宜男
吉夢熊羆入醉談
得子敢云吾事足

爲農已覺此生甘
向禽婚嫁無多累
竹帛功名最怕貪
曾記榮期言教我
百年真樂自饒三

江海悠悠日月長
劇談清興寄清觴
醉噴詩禮成牆壁
笑看風雲啟混茫
說夢自來真夢夢
如狂終是不狂狂
大言有賦非誇誕
惟許騷人宋玉當

和荻劬賣字冊口占見東之作因邀修禊

紈袴不餓死儒冠
多悞身每誦杜老言
掩卷一酸辛傷春
慨王粲作計空依人
一醉忘形骸何如
劉伯倫先生諸儒
秀書劒老風塵持
卷換青蚨難爲俗
子論炊沙不作飯
芥桂同一薪
瑤琴碎子昂善價
操錢神我有一尊

酒味美公瑾醇明朝三月三修禊及良辰遲君開笑口
痛飲陶天真得失勿復言寶此希世珍

春盡日遣興學老杜三首

三月雖閏春事微饗風淡日送春歸一雙尋香紫蝴蝶
案頭飛上紅薔薇

美人初開自婀娜繡毬委地尚玲瓏三月風多花事了
不須惆悵棟花風

陳生閉門方覓句宋叟有約期不來落花語燕最無賴
阿誰同進送春杯

書夢

青山過雨挹晴嵐花氣熏人映日酣櫻筍鮪魚俱上市
扁舟昨夜夢江南

送春日近齋明府枉饋鮪魚招晚耘滋菴同餉賦

謝十韻

北固山前出網新先時猶及餞餘春懸魚著節知廉吏
佐酒充庖饋野人江海風濤鬢鬣健園林櫻筍市朝珍
烹嘗未羨蓴羹味錫貢初飛驛路塵頒到喜當婪尾讌
買來愁竭杖頭緡蜀薑越桂親調鼎楚客吳儂共飲醇
骨鯁怕戕同嗜口腹腴偏膩老饕脣太常破戒忘齋禁
海客臨流想釣綸豈比猪肝勞茂宰絕勝鯉膾樂嘉賓

尋常易視龍門物此日興歌孔邇仁

是日晚
耘當齋

又分韻得十三職

做東
坡體

魚生以正時維鮒無或忒天風鼓洪濤躍出水晶域常
年網罟利計日江津得構取每懸金爭先詎論直蘆芽
將燕笋烹芼淨於拭味美不嫌刺腴多偏愛臆千錢快
一餉我輩空坐食江珧恣大嚼暴殄當自効願浮江海
家小就漁師職年年櫻笋厨自食煙波力膩滑河豚乳
腥涎烏鮓墨譬彼南食人捕蛇咀蜜啣

附玉和

珍味誇食單江鮒得新取潮信起春潯承筐貫之柳

肉芝連活玉洗鱗忍觸手烹飪戒厨娘芳辛滑以滌
食指搖借箸雋味適可口絕勝松江鱸合佐酒盈斗
魚箋寫新句清興發尊白落花啼鳥中春盡夏方首
江鄉魚笋樂僕射何如酒先生耻家食願得操魚罾
三山風月笛盡醉舷堪扣長歌漁父詞裙布偕箕帚
贈李九方壽其尊人豹文明經六十

擢桂應追五竇蹤驚人初見一飛衝即看絳帳橫經力
已埒橋門拜賜重負米且教勞季路烹雞曾是偵茅容
青瞳黑髮方難老綵袖霞觴九醞醲

和玉 題稚子牧牛小幅二首

扣角深知甯戚悲廟犧終羨草離離兒曹莫強牽牛鼻
散牧郊原不受羈

戀戀蘇生二頃田躬耕婦饁待逢年漢書濁酒堪娛老
願得添丁與着鞭

附錄

考牧誰教畫老孳南山白石自爲鄰短策篤簌牛郎
笛好和商歌扣角人

長林豐草綠昉昉放牧烏犍性自馴壟上嬉游看稚
子辛勤歎息輟耕人

晚次漣水

殘城沙岸路孤塔挂斜曛地盡黃河曲天荒漣水軍浪
搖隄外柳峰轟海東雲向晚波濤急中流不可聞

莞瀆道中

煙草碧萋萋平沙一剪齊鹽生知海近麥秀覺天低莞
水行多曲雲臺望欲迷平生丘壑興杖履想攀躋

又雜詠四首

黃河北岸海西邊瀉鹵萑苻總變田行過魚鹽鮭菜市
麥場蘆屋亂炊煙

新流決決轉迴溪過雨村泥滑馬蹄七百年來風土異
居人猶說范公隄

濁水泥淤五丈河雙潮不趁一帆過連天麥浪桑田遠
築壩攔黃地利多

自奸民建議築壩攔黃而河流橫溢海濱數百里淤為平田五丈一帆東西兩潮河近皆淤墊矣

羣峰隱隱起晴嵐天海蒼茫百里間晦冥有無風雨入
濕雲飛過大伊山

望雲臺山

此山向在海中距岸數十里年來潮壅沙停山趾竟與地接

了了青峰海岸懸渡河東望興悠然潮迴斷港初移陸
雲鎖寒濤別有天策馬徑堪臨絕島採芝何處狎游僊
掉頭驚換麻姑劫沃野桑麻隱暮烟

海州道上念王初公詩步其韻

碧水晴空靜不流海天疑現五城樓雲巒隱黛三山影
麥浪搖風四月秋破寺有基傳孔望殘碑無字紀秦遊
兩疏止足遺蹤遠烟草蒼茫動客愁

鹽場

奇貨居鹽筴常年倚海王淘波捲珠玉括地傲農桑國
計操商賈天心愛富強蓬萊應水淺滄海幾塵揚大冶
陰陽炭炎蒸冰雪場千羣爭蟻垤萬竈簇蜂房地水看
融結滄瀛接混茫經營雄楚豫財賦擅淮揚粒粒徒辛
苦堆堆補肉瘡百年歸侈汰幾輩恣披猖此地初登壘
他時盡括囊權謀嗤管仲心計薄弘羊捷徑趨津要高
貲踞廟廊籌邊虛遠略輸粟久荒唐長算思前代殊恩

沛我 皇邇來三百萬蠲貸豈相償

安東渡河

隄勢壓危城河流撼地聲扁舟吾利涉四月水猶平爲
壑他年事其魚萬古情柳津沙岸外薪土漫縱橫

紀異

漣水城邊見夕曛塔兒紅色映浮雲似聞古佛譔譔語
臺殿無風一夜焚

村夜

破屋颼颼風亂鳴蓆門斜掩月三更荒村信是閒人少
臥聽連耜打麥聲

喜晴

大麥登場小麥黃村農最怕舞商羊雨雲換得朝來霽
逐婦鳩聲喚婦忙

用游修送春詩韻送之入都兼寄懷錢塘少宰六
首

家學從窺照夜藜浪遊初悔別西溪斷雲出岫因風遠
烏鵲無枝向月啼行笈且教攜手澤時攜其尊人
韓畦諸集清時未
肯戀巖棲送春有句傷離抱大似蜚鴻印雪泥

出門西笑旅人情青草黃塵問去程幸舍莫爲齊食客
談經且厠魯諸生山橫泰岱登吳觀水繞桑乾向 帝

城年少機雲詞賦好宮袍早聽上林鶯

頗怪年年事遠遊金陵久作賈胡留齊梁金粉生春恨
吳越風烟領客愁鍾阜白雲驢背晚秦淮明月女牆頭
詩僧酒伴饒清興多少新篇送去舟

北上征橈復此停淮天新雨漲洄汀濤飛表浦雲帆濕
酒醑韓侯釣石醒再世君堪稽孔李十年我爲歎蓬萍
人間賸有嵇延祖應感山公一涕零

少宰與稗
畦同學

一顧驂騑價倍增紛紛駑駿本無憑遠人摸索愁難記
冷炙酸辛態可憎詞客有靈歌怨曲孤兒失路托良朋
懷鄉更灑天涯淚極目金臺最上層

稗畦有天涯淚四曲淋浪
悲痛極仁人孝子之思

欲揮百韻寄微之幾載離心入酒卮嬾性漫言狂是疾
康莊舊識路多岐雲連落日看魁斗月冷空山叫子規
最憶長筵花下別不堪重寫憶君詩

送吳觀察入覲二首

時江水北從方
議築隄護瓜洲

河海乘槎又幾年鋒車計日趣促朝天平成績佐司空
懋特達知應 聖主偏江漲北流鼉窟徙宵衣南顧水
衡蠲此行入奏關長慮宣室中宵席屢前

茫茫禹蹟問支祁疏瀹年年奏便宜河伯幾邀 明主
駕江妃新奪水仙祠漫憑築塞回天意好倚循良正地
維此去 堯咨重相倣鮫宮龍室會潛移

挽茗山司寇二首

纔是瀧岡表墓田待恩闕下又經年

尚書閣臣向不待闕自孝感以吏部纂書其後雖解

政柄仍備顧問而德清司空華亭司農及先生皆踵其事

明刑未錫臯陶命返葬遄歸京兆阡

孝子顯揚當不忝

先生為藿園司諫之子無忝所生蓋賜額也

尚書喉舌更誰先文

章京洛追遊久總帳銘旌涕泫然

侍從清班歲月深鵷行往事入追尋湛深經術師遺老

謂東樵先生

翼翼東林憤孔壬幾歎典型歸逝水一歌梁木失

知音

毛西河朱竹垞兩太史勞書升都憲徐浩軒太宰及東樵皆物故

九原可作思文惠醜酒臨

風付越吟

高孝子望親廬二首

有序

宿遷高文學特騁憤明之亡也棄家而遊其兄行求數年不可得人言某市賣卜者奇中兄就之卜遽云當即見兄察其言狀即特騁也強之歸生一子尚友不欲久居一日短衣持蓋出不知所往其子求之至今卒無消息因築望親廬於峒崑山畔每與人言未嘗不痛哭也宋中舍滋莽道其詳乞詩紀實余感其行誼作詩二首尚友性慨慷敦氣節不愧其親人稱高孝子云

滄桑事往恨無涯一箇諸生竟棄家多少簪紳乘鼎革

百年身世付龍蛇關山行脚悲烏哺卜肆牽裾感棣華

腸斷望親廬外路淒其老淚落如麻

風雨山川一渺茫春秋霜露入悲傷歸來異代陶元亮

老去孤兒朱壽昌舍隔白雲違奉養鶴飛華表說興亡

南朝孝子科頭意孺慕終身兩不忘

南齊錫山華孝子其父從軍戒之曰待我歸來為爾

冠後竟不返孝子終身不冠

戲贈星士二首

身命疑居磨蝎宮行年久不問窮通無端又說功名事
路鬼真應笑此翁

官多祿少記南軒今古儒生福命偏一語報君當見哂
立身由我命由天

題石田卷

水雲縹緲樹陰森曲徑迴峰鎖碧潯領略溪山深秀意
杖藜幽興此生心

